

# Dr. Mahathir akan rasmi Pusat Pembangunan Asia Pasifik

**KUALA LUMPUR, Rabu**—Perdana Menteri, Datuk Seri Dr. Mahathir Mohamad, akan merasmikan Pusat Pembangunan Asia Pasifik (APDC), di sini, pada 17 Ogos ini.

Bangunan 15 tingkat di Persiaran Duta di kawasan 7½ ekar menelan belanja \$6.05 juta.

Pengarah pusat tersebut, Encik Aftab Ahmad Khan, memberitahu hari ini, APDC ditubuhkan pada 1 Julai, 1980 di bawah Suruhanjaya Ekonomi dan Sosial Asia Pasifik (ESCAP).

Ia merupakan hasil empat pusat penyelidikan dan latihan serantau - Institut Pembangunan Asia dan Pasifik (APDI), Bangkok; Pusat Pentadbiran Pembangunan Asia dan Pasifik (APDC), Kuala Lumpur; Pusat Pembangunan Kebajikan Sosial bagi Asia dan Pasifik (SWDCAP), Manila dan Pusat bagi Pembangunan Wanita Asia dan Pasifik (APCWD), Teheran.

Encik Aftab menegaskan, APDC ditubuhkan bertujuan

memberi tindak balas yang praktikal kepada masalah-masalah pembangunan negara di rantau ini dan membantu mereka dalam kajian dan analisa pembangunan serta merangka strategi, polisi dan rancangan yang sesuai bagi pembangunan.

Beliau menyatakan bahawa konsep APDC kini mengatasi peranan keempat-empat pusat serantau bagi penyelidikan dan latihan.

Menurutnya, setakat ini APDC telah memilih empat bidang bagi rancangannya—Pentadbiran dan Perancangan Tenaga, Keselamatan Makanan, Mobilisasi Sumber Tenaga Manusia bagi Pembangunan dan Pembangunan Bagi Penyatuan Wanita.

## Wanita

Sempena perasmian bangunan APDC itu, satu seminar sekitar pembangunan Asia Pasifik akan berlangsung dari 17 hingga 19 Ogos ini.

Tiga orang penceramah terkenal—Prof Diraja Ungku Aziz berbincang soal 'Hubungan antara Pelajaran dan Pembangunan,' Bekas Timbalan Menteri, Encik Tarōichi Yoshida mengenal 'Isu-isu Pembangunan Yang Bertentangan Dengan Pembangunan Negara-Negara di Rantau Asia dan Pasifik' dan Encik Tarlok dari Lembaga India bagi Hal Ehwat Dunia bercakap soal 'Perancangan Nasional dan Bahagian Buruh Wilayah dan Antarabangsa, Dulu dan Masa Depan.'

Encik Aftab menyatakan perbincangan tersebut terbuka kepada ramai di Auditorium APDC.

Bahan asal dari Arkib  
Negara Malaysia